

Stáhtaráđi ášahus

guollebivddus Deanu čázádaga oalgečázádagain jagi 2021

Stáhtaráđi mearrádusa mielde mearriduvvo guolástanlága (379/2015) 46 § 3 momeantta, 48 § 3 momeantta ja 52 § 2 momeantta sihke guollebivddus Deanu čázádagas Norggain dahkkojuvvon soahpamuša láhkaásaheami suorggi mearrádusaid fápmuibidjamis ja guoskadeamis adojuvvon lága (176/2017) 7 § 3 momeantta vuodul:

1 §

Guoskadanviidodat

Dán ášahusa mearriduvvo eará guliid go luosa bivddus čuovvovaš Deanu čázádaga luossagoarggunviidodagain:

- 1) Buolbmátjávri, Gálddašjohka Luovosvárjoga njálmmi rádjái, Badje-Buolbmátjohka Badjegoržži rádjái, Luossajohka Luossajávrrí rádjái, Morešveaijohka njeallje kilomehtera bajás luoitinsajis Badje-Buolbmátjoga rádjái sihke Skihpajohka vuosttaš luobbala rádjái;
- 2) Veahčajohka Veahčajávrrí rádjái ja Váišjohka Váišluobbala rádjái;
- 3) Ohcejohka Mierašjávrrí rádjái, Čársejohka Linjinhjohkjalmmis 10 kilomehtera bajás Geavu Fiellogáhjoga njálmmi rádjái;
- 4) Goahppelašjohka Birkehjohkjalmmi rádjái, Birkehjohka Badjegoržži rádjái sihke Goaskinhjohka Goaskinhjávrrí rádjái;
- 5) Njiljohka 13 kilomehtera nuppi juovahatgietti rádjái;
- 6) Áhkojohka goržži rádjái; sihke
- 7) Gáregasjohka vihtta kilomehtera Luopmošjohkjalmmis bajás.

Guollebivddu 1 momeanttas namuhuvvon viidodagain guoskaduvvo dasa lassin guollebivddus adojuvvon stáhtaráđi ášahusa (1360/2015) dakko buohta go dán ášahusas ii nuppe láhkái mearriduvvo. Luosa ráfáidahttimis mearriduvvo luossabivddu mearreáigásaš giieldimis Deanu čázádagas jagi 2021 adojuvvon ášahusas (359/2021).

2 §

Guollebivddus lobálaš bivdoneavvut

Guollebivdu lea lobálaš dušše čuovvovaš bivdoneavvuiguin ja -vugiiguin:

- 1) njággofierbmi Ohcejoga, Veahčajoga ja Buolbmátjoga čázádagas;
- 2) stággu ja vuogga;
- 3) guollehehkke guoika- ja rávdnjeduovdagiid olggobealde;
- 4) njáhkároahkki jienja alde bivddedettiin.

3 §

Bivdogieldoguvllut

Bivdu lea gildojuvvon čuovvovaš viidodagain:

- 1) Badje-Buolbmátjohka oalgegaidisguin;
- 2) Gálddašjohka joganjálmmi ja Gálddašjohka Luovosvárjoga njálmmi rádjái mas lea mielde maid Gálddašluoppal ja -láttu;

3) Ohcejohka joganjálmmi rájes gitta Ohcejoga ja Njuorggáma gaskasaš geainnu šalddi rádjái; sihke

4) Čársejohka vuollegoržžis 60 mehtera mátkkis goržži niskkis vulos guvlui.

4 §

Almmolaš vahkkoráfáidahttin

Maŋnelis 5 ja 10 §:s mearriduvvon bivdoáigodagaid áigge visot bivdu lea gildojuvvon sotonabeaivvis diibmu 19 rájes vuossárgii diibmu 19 rádjái earret guollebivddu jávrrin 200 mehtera duohken joga oivošis dahje njálmmis.

5 §

Guollebivdoáigodat stákkuin ja vuokkain

Stákkuin ja vuokkain oažžu bivdit Buolbmátjoga, Veahčajoga ja Ohcejoga čázadagain geassemánu 1. beaivvi rájes gitta borgemánu 31. beaivái.

Eará go 1 momeanttas dárkkuhuvvon čázadagain stákkuin ja vuokkain lea lohpi bivdit geassemánu 1 beaivvi rájes gitta borgemánu 20. beaivái.

6 §

Ráddjehusat mat gusket seavtti ja áŋkorbivdosiid

Seaktin ii oáččo geavahuvvot reahka, guolli iige máhtu.

Njáhkároahki geavahus lea lobálaš dušše go njáhká bivdojuvvo jieŋa alde. Deanu čázadagas váldojuvvon jápma seakteguolli lea goittotge lobálaš njáhkároahkiin guolástettiin ja máhtu geavahus seaktin lea lobálaš jieŋa alde oaggumis.

Go stággu dehe vuogga geavahuvvo, de áŋkoriin eai oáččo leat ávnnjaldagat dahje ávnnjaldagat galget deddojuvvot gitta. Vuokkas oažžu lea eanemustá okta golmmasuorat áŋkor dahje eanemustá golbma ovttasuorat áŋkora.

7 §

Veahkkeneavvu mii geavahuvvo stággobivddus

Bivdosii darvában guoli loktemis gáddái oažžu veahkkeneavvun geavahit dušše hoava.

8 §

Gildojuvvon stággobivdinduovdagat

Stággoguollebivdu lea gildojuvvon:

1) 10 mehtera lagabus njáŋggofierpmi;

2) šalddi alde;

3) fatnasis ja gáttis 200 mehtera lagabus oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus dahje Gálddašjoga ja Badje-Buolbmátjávrris njálmmis Buolbmátjávrris.

9 §

Godđojuvvon bivdosiid geavahanmeari ráddjehus

Guollebivddus lea lohpi geavahit ovttaáigásaččat eanemustá vihtta njággofierpmi giddodaga guovdu.

10 §

Guollebivdináigi njággofierpmiin

Guollebivdu njággofierpmiin lea lobálaš johkaossodagain vain jienaid vuolgimis geassemánu 20 beaivvi rádjái sihke borgemánu áigge.

Guollebivdu lea liikká lobálaš oppa jagi jávrriin guhkkelis go 200 mehtera geahčen joga oivošis dahje njálmmis.

11 §

Fanasbivdu

Stággoguollebivdu lea gildojuvvon fatnasis.

12 §

Bivdosiid merken

Bivdinláhkái biddjojuvvon njággofierpmi ja buodut galget merkejuvvot čielgasit nu, ahte čáziid alde johttit fuobmájit daid. Bivdosat galget merkejuvvot uhcimustá 15 sentemehtera čázeoaivvi bajábeallai olli govddohagain dahje uhcimustá 40 sentemehtera čázeoaivvi bajábeallai olli stákkožii giddejuvvon láhpuin, man oaneheamos siiddu guhkkodat leat uhcimustá 15 sentemehtera.

Bivdosiidda galget merkejuvvot bivdosa biddji namma ja oktavuohtadieđut sihke dan giddodaga namma, masa bivdovuoigatvuohta gullá. Njággofierbmái mearka giddejuvvo bivdosa geahčái giddejuvvon govddohakkii, mii oidno bures.

13 §

Bivdu fierbmebivdosiiguin

Njággofierbmi, mii geavahuvvo guollebivddus, oažžu leat eanemustá 2 mehtera allosaš bodnefierbmi, mas lea fierbmečoalli ovttain vuoksain almmá seahka haga ja mii lea válmmaštuvvon nailonláiggis, mas lea okta sáiggar, man assodat oažžu lea eanemustá 0,20 millimehtera.

Njággofierpmiin guolástettiin ii oaččo geavahuvvot dahkurávdnjesuodji iige vuojahatfierbmi.

Njággofierpmi galljodat ferte leat uhcimustá 29 millimehtera ja dat oažžu leat eanemustá 35 millimehtera čuolmma gaskačuoggáš čuovvovaš čuolmma gaskačuoggái njuoska bivdosis mihtidettiin.

Buolbmátjávrris, Ohcejoga luobbaliin sihke Veahčajoga Rievssatjávrriin njággofierpmi, mat geavahuvvojit eará guliid go luosa bivdimii, ožžot leat alibut go 2 mehtera ja reaskábivddus lea lohpi geavahit fierpmiid, maid galljodat leat uhcimustá 17 millimehtera. Čakčamánu 1 beaivvi rájes cuoŋománu 30 beaivvi rádjái oažžu ovdal namuhuvvon viidodagain fierpmi geavahuvvot čázeoaifierbmin. Fierpmiid galljodat galgá dalle leat unnimustá 18 millimehtera ja dat oažžu leat eanemustá 50 millimehtera.

14 §

Oalli ja bivdosiid gaskkat

Njánggofierpmi mihkkege osiid ii oaččo ollit váldo- dahje siidorokki oali rastá. Bivdosiid olggumus oassi ii oaččo ollit gokkoge 10 mehtera lagabui buohtalas gátti, eaige rokki sulluid, lássáid ja gárgoít, maid gaskii bohtet iežaset rokkit.

Bivdima várás biddjon njánggofierpmiit eai oaččo leat gokkoge 60 mehtera lagabus nubbi nuppi.

15 §

Fierbmebivddu gielddusviidodagat

Njánggofierbmii dahje buodđu ii oaččo biddjojuvvot 200 mehtera lagabui oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus dahje Gálddašjoga ja Badje-Buolbmátjoga njálmmis.

16 §

Sálašalmmuhus registarii

Guollebivdi lea geatnegahtton doallat sálašbeaivegirjji šleadgahámis dahje báhpára alde. Guollebivdi ferte maid almmuhit guollebivddus Deanu čázadagas Norggain dahkkon soahpamuša láhkaásaheami suorggi mearrádusaid fápmuibidjams ja guoskadeamis addojuvvon lága (176/2017) 7 §:s dárkkuhuvvon Deanu šleadgasálašregistarii juohke bivdojuvvon luosas, dápmohis/guvžžás, ruoššaluosas ja girjeluosas čuovvovaš dieđuid:

- 1) joga dahje jávrris, mas guolli lea bivdojuvvon;
- 2) bivdobeavemeari;
- 3) guoli sohkaheali, deattu ja guhkkodaga;
- 4) luitojuvvon guliid meari šlájaid mielde;
- 5) bivdoneavvu.

Luitojuvvon guoli sohkahealli, deaddu ja guhkkodat ii goittotge dárbbas almmuhuvvot.

Sállaša haga báhcán bivdi galgá almmuhit 1 momeanta 1, 2 ja 5 čuoggáin dárkkuhuvvon dieđuid.

Sállašat fertejit almmuhuvvot mánotbaji siste guollebivdoáigodaga nohkamis. Almmuhussii galgá gullat guđege bivdojuvvon šlája ollesdeaddu nu ahte dat lea sierra šlájaid mielde sieranaston.

Bivdolobiid luohpadeaddji geatnegasvuodas ordnet guolásteaddjái beassama šleadgasálašregistarii mearriduvvo guollebivddus Deanu čázadagas Norggain dahkkon soahpamuša láhkaásaheami suorggi mearrádusaid fápmuibidjams ja guoskadeamis addojuvvon lága 8 §:s.

360/2021

17 §

Fápmuiboahtin

Dát ášahus boahdá fápmui miessemánu 1 beaivvi 2021 ja lea fámus gitta juovlamánu 31 beaivvi rádjái 2021.

Dáinna ášahusain gomihuvvo stáhtaráði ášahus guollebivddus Deanu čázádaga oalgečáziin (297/2017).

Helssegis cuoŋománu 29 beaivve 2021

Eana- ja meahccedoalloministtar Jari Leppä

Ráđđádalli virgeolmmoš Tapio Hakaste